



Brisel, 6.12.2019. godina

## MEDIJIMA

### SAOPĆENJE ZA MEDIJE

#### **Nezavisni ekspertski izvještaj će pomoći da se reforma pravosuđa vodi u pravom smjeru**

Četvrti sastanak Pododbora za pravdu, slobodu i sigurnost između Evropske unije i Bosne i Hercegovine održan je 5. i 6. decembra u Briselu. Nakon predstavljanja glavnih nalaza Nezavisnog ekspertskog izvještaja o poboljšanju vladavine prava u BiH, članovi delegacije EU su istakli da će Izvještaj pomoći da se reforma pravosuđa provodi u pravom smjeru i izrazili spremnost da podrže sve aspekte implementacije preporuka.

Predstavници EU očekuju da će prijedlozi novog zakona o Visokom sudskom i tužilačkom vijeću BiH i zakona o sudovima u BiH biti završeni sljedeće godine i ohrabruju vlasti u BiH da što prije usvoje revidiranu Državnu strategiju za rad na predmetima ratnih zločina. Također su pozvali na jačanje regionalne saradnje u procesuiranju ratnih zločina.

Predstavnici Evropske komisije su tražili da se ubrza priprema nove Strategije borbe protiv korupcije za period 2020.-2024. Naglasili su značaj uspostave institucionalnog okvira i profesionalizacije tijela za borbu protiv korupcije, a kao pozitivan primjer je naveden Kanton Sarajevo.

Od novih vlasti se očekuje sveobuhvatan pristup i preuzimanje odgovornosti za izradu strateških dokumenata za unapređenje i ostvarivanje ljudskih prava. Pozdravljena je odluka Ustavnog suda BiH o ukidanju smrtne kazne u Republici Srpskoj.

EU je spremna pružiti tehničku pomoć u procesu usklađivanja zakonodavstva u BiH s evropskim standardima u oblasti slobode pristupa informacijama i slobode okupljanja i udruživanja.

Predstavnici delegacije BiH su, između ostalog, izvijestili o provođenju Akcionog plana za jednakopravnost polova, te izmjenama i dopunama propisa o sprečavanju i zaštiti od rodnog nasilja. Istaknuto je da je za Evropsku komisiju zaštita ranjivih grupa iznimno važna, te da fokus djelovanja u BiH treba biti na dosljednom provođenju zakona.

Članovi bh. delegacije su upozorili da je zbog ogromnog priliva migranata situacija u BiH teška. Predstavnici delegacije EU su apelirali da se, zbog prijetnje humanitarnom katastrofom, situacija mora urgentno rješavati, te je naglašeno da su sredstva osigurana, kao i stručna pomoć eksperata. Razgovaralo se i o provođenju Strategije za integrisano upravljanje granicama i viznoj politici

Na dnevnom redu sastanka je bilo riječi i provođenju strategije za borbu protiv organiziranog kriminala, cyber kriminala, trgovini ljudima, oružjem, saradnji u borbi protiv droge i zaštiti svjedoka.

Četvrtim sastankom Pododbora za pravdu, slobodu i sigurnost kopredsjedavali su Michela Matuella, Opća uprava Evropske komisije za politiku susjedstva i pregovore o proširenju i Igor Golijanin, Ministarstvo sigurnosti BiH. O radu Pododbora vidi više na stranici Direkcije [http://dei.gov.ba/dei/bih\\_eu/zajednickatijela/default.aspx?id=20884&langTag=bs-BA](http://dei.gov.ba/dei/bih_eu/zajednickatijela/default.aspx?id=20884&langTag=bs-BA).

Direkcija za evropske integracije